

# Powšitkowne WOZJEWJENJA

njedźelu, 20. januara 2019

## Swjedzeń swjateho Bosćana

Předsydstwo Bratstwa swjateho Bosćana přeprašuje wšitkich na swjedzeń swjateho Bosćana tutu njedźelu, 20. januara, do Chrósćic. Swjedženski nyšpor z procesionom po wsy je w 14.00 hodž. Po nyšporje změja čłonojo bratstwa na farje swoju hłownu zhromadźiznu.

## Přednošk propsta Clemensa Hrjehorja w hospodze

W Chrósćanskej putniskej hospodze porěči propst Clemens Hrjehor z Kamjenicy tutu njedźelu, 20. januara, w 19.00 hodž. k temje „Čěkancy a my – nazhonjenja fararja“. Wšitcy su wutrobnje přeprašeni.

## Hłowna a wólbna zhromadźizna TCM

Wšitcy čłonojo a zajimcy su wutrobnje přeprašeni na hłownu a zdobom wólbnu zhromadźiznu Towarstwa Cyrila a Metoda štwórtk, 14. februara, w 19 hodž. do Baćonja. Dnjowy porjad so hišće wozjewi.

## Seminary k přirotej na mandželstwo

Přizjewjenja za lětuše seminary k přirotej na sakrament mandželstwa pjatk a sobotu, 8. a 9. kaž tež 22. a 23. měrca, přijimuju pisomnje hač do pjatka, 15. februara, w Dekanatnym dušepastyrstwje we Worklecach. Formularj k tomu su w cyrkwjach wupožžene. Dalši seminar wotměje so pjatk a sobotu, 29. a 30. nowembra.

## Worship-night za serbskich młodostnych: „There is more!“

Boha z wotewrjenej wutrobu přiwzać, jemu so bližić w modlitwje a spóznać, zo je wěra wjele wjace hač to, štož sy dotal dožiwił – k tomu maš přiležnosć na wječorku pod hesłom „There is more!“. Tón wotměje so sobotu, 26. januara, w 19 hodž. we Worklečanskim Don Boskowym domje. Worship je moderne wašnje modlenja, při kotrymž spěwajo Jězusa a Boha chwališ. Wšitcy serbscy młodostni su na mału worship-night přeprašeni, w kotrejž budže 148. psalm wažnu rólu hrać. Spěwać budže so w jendźelskej, němskej a serbskej řeči. Fokus je wědomje na Boha, Jězusa a na křesćansku wěru položeny. Podpěrać budu serbskich młodostnych młodži křesćenjo z Drježdžan.

## Čěski film wo wěrje we Łužicy

Nimale połodžinski film wo wěrje we Łužicy Čěskeje telewizije (ČT2) je online přistupny. Zajimcy nańdu link na njón pod [www.posol.de](http://www.posol.de). Natočeny bu film wo katolskich a ewangelskich Serbach loni nazymu. Wón słuša do cyklusa „Cesty wíry“ (Puće wěry).

## Prózdny ze swójbu w Naundorfje

Swójbje z džećimi w starobje dweju do džeśač lět su na zhromadne kubłanske dny wot srjedy do njedźele, 20. do 24. februara, do Naundorfa přeprašene. Nadrobnosće zhonja zajimcy pod telefonowym čisłom (03 50 20) 75 61 00.

## **Termin putnikowanja do Krupki jasny**

Putnikowanje serbskich młodostnych do Krupki budže wot 28. julija do 2. awgusta. Nadrobnosće so hišće wozjewja.

## **Kurs k přewodženju ćežkochorych a mrějacych**

Nowy přihotowanski kurs k přewodženju ćežkochorych a mrějacych zahaji so srjedu, 6. februara, w zetkawanskim domje Carity w Kamjencu, Dróha jednoty 2. Wukubłanje přewjedu koordinatorjo ambulantneje hospicneje služby, zo bychu zajimowanych ludźi na tule čestnohamtsku službu přihotowali. Chorych a mrějacych přewodžeć je wutrobnu naležnosť, tola słuša k tomu tež wěsta wěda, zo móhło so sensibelnje na požadosće jatra chorych a mrějacych reagować, skedźbnja Caritas. Pod hesłom „Přewodžeć nawuknyć“ ma kurs hač do 7. měrca trać – a to kóždu srjedu wot 17 do 21 hodź. kaž tež na dwěmaj sobotomaj wot 9 do 15 hodź. Přeprošeni su mužojo a žony rozdźělных starobow a powołanjow, kotřiž su na sobudžěle w ambulantnej hospicnej službjě zajimowani, kaž tež wukubłani hladarjo chorych a starych ludźi. Přizjewjenja su móžne w domje Carity na Haydnowej 8 w Kamjencu, telefonowe čisło (0 35 78) 37 43 12. Tam dóstanu zajimcy nadrobnije informacije.

## **Putnikowanja z busom a lětađlom**

Tež lětsa přeprošuju zaso zajimcow na putniske jězby. Přěnja powjedže wot njedzele do njedzele, 23. do 30. junija, z busom do Toskany. Dalša putniska jězba z busom budže wot štwórtka, 3. oktobra, do wutory, 15. oktobra, do Lourdesa, Fatimy, Santiaga de Compostele a do Avile. Z lětađlom podamy so wot njedzele do njedzele, 8. do 15. septembra, na putnikowanje do Swjateho kraja. Nadrobnije informacije dóstanu zajimcy pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowcy puć 2. *Maćij Hadank*

## **Putniska jězba do Ukrainy**

Putniska jězba do ukrajskeho Lwiva (pólsce Lwów, němsce Lemberg) wotměje so wot štwórtka do wutory, 8. do 13. awgusta, ze Šmitec jězbami w Radworju. Hłowne město zapadneje Ukrainy je ze swojimi stawiznami a kulturu wulce zajimawe. Wšako je w běhu swojich stawiznow přežiwiło pólske, ruské, sowjetske a němske knjejstwo. Wobdžělmy so na swjatočnej Božej mši po grjeksko-katolskim wobrjedže, wopytamy mniši klóšter w Univje, wobhladamy sej katolsku uniwersitu, póndžemy do opery a zetkamy so z wěriwymi woneho města. Změjemy přewod domoródnego kulturnika. *T. Kubašec*